

安在可得見耶澄曰在淮南使臣有獻固願見也后喜過望遣使隨澄求之淮南與俱來后爲幸鴻福寺見之其言皆人所難切於時者后不樂罷之

何充仙品丁義神方

真誥何充盧江潯人也累遷尚書世業奉教多施惠立功德永和二年尸解受化南宮升居仙品以其多施惠故也

西山記吳真君名猛字世雲七歲有孝行夏不驅蚊蚋懼其去已而噬親也年四十邑人丁義授以神方復師南海太守鮑靚得其秘法黃龍中嘗天降白雲符遂以道術盛行於吳晉之間矣

道藏輯要

三洞羣仙錄

卷三

翼集四

湘媪丹篆郭公青囊

女仙傳唐貞元中湘潭有一媪不云姓氏但稱湘媪常易止人舍十有餘年每以丹篆字救疾閭里莫不應驗媪鬢髮如雲肌潔如雪策杖曳履日可數百里忽有道士與媪相遇甚相慰悅或詰道士道士曰此劉綱真君之妻樊夫人也方知媪卽樊夫人矣

神仙傳晉郭璞好經術博學有高才而訥於言論賦詞爲申興之冠好古之奇尤妙於陰陽有郭公者客居河東精於卜筮璞從之受公以青囊中書九卷與之由是五行天文卜筮之術禳災轉福通致無方雖京房筮輅不能過也璞門人趙